

In pitschen è il pli spert

Dalidali! Gliez è la devise per tgi che less construir in grond implant solar e profiter da las subvenziuns generusas dal solarexpress. Danners da la Confederaziun datti numnadamain be per ils implants che furneschan la fin dal 2025 gia ina part da lur energia.

Bleras vischnancas, interpresas ed ovras han vulì prender part a questa cursa rapida – e n’han gnanca dumagnà la partenza. Uschia han per exempel ils votants e las votantas da Glion refusà ina planisaziun da dus implants sin lur territori.

Bain en cursa è dentant SedrunSolar che ha gia dumagnà plirs obstachels. L’implant vegn planisà dad Energia Alpina, l’interpresa d’energia da la vischnanca da Tujetsch. L’implant da la pitschna interpresa è progredì pli lunsch che projects dad interpresas grondas. Lascha vesair sch’el fa la cursa.

Claudia Cadruvi (vi)

